

## Wien, Österreichische Nationalbibliothek (ÖNB), Cod. 773

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

503

## C O D I C E S

504

III. fol. 224. *Incipit liber Iancij de ira dei ad donatum. Ita: Animaduerti sepe donate plurimos &c. Divisus est in XXIII. Capitula, quae tamen Editioni suprac. T. II. p. 127. non respondent. Caput 18. ab his verbis edit. p. 167. Miserum te, inquit — Sed quantum potuerunt gravissime &c. hiat, omisorumque loco irrepit, ut censeo, e margine: De facto istius archite quod hic tangitur Valerius libro quarto fere in fine libri dicit Valerius quod cum longo tempore causa scientie acquirende absuisset et reuersus in patriam rura corrupta et perdita negligentia serui comperisset dixit seruo sumpssem inquit de te supplicium nisi iratus essem maluit enim in punitum dimittere quam propter iram iusto grauius punire. Quod utique non Laetantii, sed cuiusdam Commentatoris est. Paullo post minor hiatus est inter verba: ut nequam seruus iratum — dum iis quos odio habent &c. Sub Libri finem Versus Graeci, quos adfert Autor, corrupte literis latinis columnatim exarati sunt respondentem ex adverso traductione latina.*

IV. fol. 236. *Incipit liber firmiani qui eciam laetancij de opificio dei uel formacione hominis. Pariter in Capitula XVI. distributus, et integer; incipit enim: Quam minime sum quietus &c. et finit: ad iter celeste direxerit, ut Edit. cit. T. II. p. 71. nec lacunis laborat.*

V. fol. 247. p. 2. *Sequitur Grecum diuersorum autorum in premisis libris institutionum diuinorum voluntate (ignorantia?) scri-*

*ptoris obmissum cum suis interpretationibus. Haec et sequentia ad Laetantium Παρεγγά industriae Haselbachii debentur, cujus manus adlatum Titulum inscripsit. Una igitur columna Voces graecae singulæ literis majusculis graecis depictæ sunt, altera significationes latinae adjiciuntur. Multa in his mendosa, et frequenter Librarium characteres graecos pingere piguit; latinis potius usus est.*

VI. fol. 260. *Codicem terminat Index alphabeticus Rerum in Libris Institutionum divinar. contentarum, quem satis gnaviter factum iterum Haselbachii manus inscripsit: Tabula Laetantij. Pertinet a v. Ablutio ad v. Zenon.*

*Fronti Codicis, nescio cur, solertissimus Seb. Tengnagelius noster olim Alphabetum, Orationem Dom. Salutationem Angel. et Canticum Magnificat graece adscripsit.*

## CCLXXIX.

Codex membraneus lat. Sec. R. 397  
 XV. Folior. 64. f. eleganter exaratus, auroque et coloribus illustratus exhibet L. Caecil. Firm. Laetantii Librum de Ira Dei, qui hic Olaus dicitur, nempe, si illum VII. Libris Divin. Institutionum accenseas. Praeit Index Capp. XXV. sed per decursum non nisi XXIV. numerantur Capite ult. in duo diviso, ut plures Codices habent. Textus, ut jam saepius utroque Vol. dixi, incipit: Animaduerti saepe Donate plurimos id existimare &c. mendis non caret, Cap.

## Wien, Österreichische Nationalbibliothek (ÖNB), Cod. 773

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. II. Pars I. Wien 1799.

505

## P A T R I S T I C I .

506

*Cap. 18.* lacunam habet, Librario in margine monente: *Multum deest;* sunt vero 6. circiter lineae a verbis: *Miserum te inquit, ad verba: sed quantum potuerit grauiissime;* in graecis denique, quae sub finem occurunt, quorumque interpretatio cubat in margine, non pauca corrupta sunt. Ad calcem hujus Libri continuo

*Fol. 33.* Incipiunt Capitula libri Firmiani laetantij de opificio dei uel formatione hominis. Cententur XXI. cuius rationem mox reddam. Initium, ut alias: *Quam minime sum (sim) quietus etiam (et in) summis necessitatibus &c.* *Caput 3.* nobis incipit: *Unde ego philosophorum &c. quae in Edit. Paris. 1748. T. II. p. 76. revo-* cantur ad C. 2. usque ad verba: *Queruntur hominem nimis imbecillum.* C. 19. post verba: *quo uitam posset adipisci,* insertus est nobis spurius ille Locus, quem Editores *Paris. p. 123.* in *Notis* referunt, quique nobis a verbis: *Ante omnia diuersitatem uoluit esse &c.* *Caput 20.* constituit inscriptum: *Cur deus dedit spiritum temptatorem;* unde necessario *Capita XXI.* conficiuntur. Ad calcem invenies: *Bntpnkxs df Crkxslks dfk grbtkb scrkpstt bxnc lkbrxm dfk XII kbnxbrkk 1433.* et observato artificio leges: *Antonius de Crivelis* dei gratia scripsit hunc librum die XII. Januarii. Adpicta fronti Insignia Regni Castellae haberi possent, nisi Castelli Porta rubra, area vero caerulea foret.

## CCLXXX.

Codex chartaceus lat. Sec. XV. R. 1670  
 Folior. 249. f. probe in Italia descriptus, rubricis distinctus et prius Bibliothecae Civicae Vindob. complectitur I. L. Caecil. Firm. Laetantii Libros VII. Divinar. Institutionum a nobis saepius utroque Vol. indicatos, quorum Primus incipit: *Magno et excellenti ingenio uiri &c.* Adcuratum est non ab uno Exemplar; plures enim manus distinguas, quae in marginibus Argumenta, Lemmata, Notulas adjecere. Una earum variam etiam Lectionem subfecit, non semper observatam *Parisinis* quoque *Laetantii 1748.* Editoribus. Ita in Praef. ubi habetur: *cogitatio affequeretur humana,* addit: al. *cognitio.* Item: *ob insitam sibi austoritatem, al. au&gtoritatem.* *Cap. V.* φαντα apparentem nominat, al. illuminatorem. Item concipere animo, al. conspicere. Item praestantissimam potestatem, al. potentem. Item eguerit auctore, al. genuerit auctorem. Item infusa per artus, al. effusa. et sic ulterius plura, quorum quaedam expendi merentur. Ad calcem adjecta sunt honorifica *Laetantio* testimonia Hieronymi, Augustini, et Laureati de Officio Religiosorum, cuius postremi locum exscribo: *Laetantius firmianus et ipse uir magnus in eo libro, quo gentilium erroribus exarmatis fidem nostram, quantum quivit, armavit, omnemque hanc deorum scenam mirabili et laudabili curiositate detexit. In eo opere Augustino et alijs sequentibus*